

總集類

總集類



10252

晚唐詩鈔卷第十一

劉得仁

字未詳貴主之子善五言詩以清瑩稱自開成至大中三朝昆弟皆歷貴任而得仁獨應舉出入文場三十年卒無成集一卷今選各體共二十八首



長信宮

五律

簾涼秋氣初長信恨何如拂黛月生指解鬟雲滿  
梳一從悲畫扇幾度泣前魚坐聽南宮樂清風搖  
翠裾

夏夜即事

到曉改詩句四鄰嫌苦吟中宵橫北斗夏木隱樓

晚唐詩鈔卷第十一

一

十千詩鳴

禽天地先秋肅軒窗映月深幽庭多此景卻恐曙  
光侵

宣義亭子

暮色遠高亭南山出竹青夜深斜舫月風定一池  
星島嶼無人跡菰蒲有鶴翎此中休便得何必泛  
滄溟

遊崔監丞城南別業

門與青山近青山復幾重雪融皇子岸春潤翠微  
峰地有經冬艸林無未老松竹寒溪隔寺晴日直  
聞鐘

慈恩寺墻下避暑

古松凌巨墻脩竹映空廊  
竟日聞虛籟深山只此涼  
僧真生我敬水澹發茶香  
坐久東樓上鐘聲送夕陽

青龍寺僧院

常多簪組客非獨看高松  
此地堪終日開門見數峰  
苔新禽跡少泉冷樹陰重  
師意如山裏空房曉暮鐘

秋夜宿僧院

禪地無塵夜焚香話所歸  
樹搖幽鳥夢螢入定僧

晚唐詩鈔卷第十一

二

十千詩塢

衣破月斜天半高河下霧一作露  
微翻令嫌白日動即與心違

題王處士山居

茅堂入谷遠林暗絕無隣  
終日有流水經年無到人  
溪雲常欲雨山洞別開春  
自得仙家術栽松獨養真

題景玄禪師院

古僧精進者師復是誰  
流道貴一作愧行無我禪難說  
到頭汲泉羸鶴立擁毳老猿愁  
曾住深山院何如此院幽

冬日題邵公院

無事關多掩陰堦竹拂苔勁風吹雪聚渴鳥啄冰  
開樹向寒山得人從瀑布來終期天目老擎錫逐  
雲迴

春日酬韋先輩雨後見寄

風散五更雨鳥嘯三月春軒窗透初日硯席斷纖  
塵箇箇峰頭出家家樹色新憐君高且靜有句寄  
閑人

上丁學士

何處訪岐路青雲但憶歸風塵數年恨門館一生

晚唐詩鈔卷第十一

三

十千詩稿

依外族帝王是中朝親舊稀翻令浮議者不許九  
霄飛

贈雍陶博士

腹是羣書笥官爲六義師情高少塵事朝下足閒  
時有句同人伏無私胄子知漢庭公議在正與觸  
邪宜

對月寄雍陶

圓明寒兔上天地一光中臨水通宵坐知君此興  
同華凝衣有露靜極樹無風若向湘江見湘江見  
底空

夏日感懷寄所知

了了見岐路欲行難負心趨時不圓轉自古易湮  
沉日正林方合蜩鳴夏已深中郎今遠在誰識費  
桐音

送顧非熊作尉盱眙

一名兼一尉未足是君仲歷數爲詩者多來作諫  
臣路翻平楚烏草帶古淮薪天下雖云大同人有  
幾人

送友人下第歸覲

君此卜行日高堂應夢歸莫將和氏淚滴著老萊

衣岳雨連河細田禽出麥飛到家調膳後吟苦落  
蟾暉

送新羅人歸本國

鷄林隔巨浸一徃一年行日近國先曙風吹海不  
平眼穿鄉井樹頭白渺瀰程到彼星霜換唐家語  
卻生

中秋月

塵裏兼塵外皆期此夜明一年唯一夕長恐有雲  
生露洗微埃盡光濡是物清朗吟看正好惆悵又

聽歌

朱檻滿明月美人歌落梅忽驚塵起處疑有鳳飛  
來一曲聽初徹幾年愁暫開東南正雲雨不得見  
陽臺

尋陳處士山堂

五言排律

步谿凡幾轉始得見幽蹤地一作路隱千根樹門一作房開

萬仞峯片雲生石竇淺水臥枯松窮谷風光冷深

山翠碧濃鶴看空裏過仙向坐中逢底露秋潭水

一作石聲微古觀鐘暮年來此定異日願相容且喜今

歸去人間事一作事慵

魏唐詩鈔卷第十一

五

十千詩塢

和鄭先輩謝秩閒居寓書所懷

西風日夜吹萬木共離披近甸新晴後高人得意  
時暫閒心亦泰論道面難欺把筆還詩債將琴當  
酒資藍衫縣竹桁烏帽挂松枝名占文章重官歸  
諫憲逢生涯貧帝里公議到台司室冷沾苔蘚門  
清絕路歧莫言隣白屋即賀立丹墀豈慮塵埃久  
雲霄故有期

上翰林丁學士

今代如堯代一作崇徵賢察衆情久聆推行實然後佐

聰明官自文華重恩因顧問生詞人求作秤天子

許和羹御柳凋霜晚宮泉滴月清直廬寒漏近秋  
燭白麻成玉殿移時對金輿數侍行賜衣香未散  
借馬色難名時輩何偏羨儒流此最榮終當聞燮  
理寰海永昇平

陳情上李景讓大夫

一被浮名誤旋遭白髮侵徘徊戀明主夢寐在秋  
岑遇物唯多感居常只是吟待時鈴定口經事屢  
低心辛苦文場久因緣戚里深

自注親弟大  
中元年尚主

老迷新道

路貧賣舊園林晴賞行聞水宵棊坐見參客留閒  
去問僧約偶來尋望喜潛憑鵲娛情願有琴此生

唐詩鈔卷第十一

六

十干詩鳩

如遂意誓死報知音上德憐孤直唯公拔陸沉丘  
山恩忽被螻蟻力難任作鑒明同日聽言重若金  
從茲更無報翹足俟為霖

奉和翰林丁侍郎禁署早春晴望

七律

御林聞有蚤鶯聲玉檻春香九陌晴寒著霧雲歸  
紫閣暖浮佳氣動皇城宮池日到冰初解輦路風  
吹艸欲生鴛侶此時皆賦咏商山雪在思尤清

長門怨

七絕

爭得一人聞此怨長門澣夜有妍姝早知雨露翻  
相悞只插荆釵嫁匹夫

悲老宮人

白髮宮娃不解悲，滿頭猶自插花枝。  
曾緣玉貌君王寵，一作愛准擬人看似舊時。

憶鶴

白絲翎羽丹砂頂，曉度秋烟出翠微。  
來向孤松枝上立，見人吟苦卻高飛。

儲嗣宗

高里失傳大中十三年進士第  
詩一卷今選各體共十五首

秋墅

五律

欲暮候樵者，望山空翠微。  
虹隨餘雨散，鴉帶夕陽歸。  
窮巷長秋艸，孤邨時搥衣。  
誰知多病客，寂寞掩柴扉。

晚唐詩鈔卷第一

七

十干詩稿

南陂遠望

閒門橫古塘，紅樹已驚霜。  
獨立望秋艸，野人耕夕陽。  
孤煙起蝸舍，飛鷺下漁梁。  
唯有田家事，依依似故鄉。

宿范水

行人倦遊宦，秋艸宿湖邊。  
露溼芙蓉渡，月明漁網船。  
寒機深竹裏，遠浪到門前。  
何處思鄉甚，歌聲聞採蓮。

宿山館

寂寞對衰艸地涼凝露華蟬鳴月中樹風落客前  
花山館無宿伴秋琴初別家自憐千萬里筆硯寄  
生涯

宿玉簫宮

塵飛不到空露濕翠微宮鶴影石橋月簫聲松殿  
風綠毛辭世女白髮入壺翁借問燒丹處桃花幾  
遍紅

送顧陶校書歸錢塘

清苦月偏知南歸瘦馬遲橐輕綠換酒髮白爲吟  
詩水色西陵渡松聲伍相祠聖朝思直諫不是挂  
冠時

送人歸故園

遠節慘言別况予心久違從來憶家淚今日送君  
歸野路正風雪還鄉猶布衣里中畊稼者應笑讀  
書非

過王右丞書堂

萬樹影參差石牀藤半垂螢光雖散艸鳥蹟尚臨  
池風雅傳今日雲山想昔時感深蘇屬國千載五

言詩

自注右丞昔陪  
賊庭故有此句

經故人舊居

萬里訪遺塵鶯聲淚溼巾古書無主散廢宅與山  
鄰宿艸風悲夜荒邨月弔人淒涼問殘柳今日爲  
誰春

和顧非熊先生題茅山處士閒居

七律

歸畊地肺絕塵喧匣裏青萍未受恩濁酒自憐終  
日醉古風時得野人言鳥嘯碧樹閒臨水花滿青  
山靜掩門唯有階前芳艸色年年惆悵憶王孫

送春

五絕

無語共春別細腰枝上紅來年又相見還恐是愁

晚唐詩鈔卷第十一

九

十干詩塢

中

滄浪峽

滄浪臨古道道上石成塵自有滄浪峽誰爲無事  
人

隨邊使過五原

七絕

偶逐星車犯虜塵故鄉常恐到無因五原西去陽  
關廢日没平沙不見人

山泉

和茅山高捨遺憶山中雜題之二

香味清機仙府回縈紆亂石便流杯春風莫泛桃  
花去恐引凡人入洞來

小樓

松杉風外亂山青  
曲几焚香對石屏  
空憶去年春雨後  
燕泥時污太玄經

司馬札

字里莫詳大中時詩人集  
一卷今選各體共二十二首

古思

五古

春華惜妾態秋艸念妾心  
始知井邊桐不如堂上  
琴月落卻羨鏡花飛  
猶委苔門前長江水一去終  
不回

彈琴

晚唐詩鈔卷第十一

十

十千詩塢

深室無外響空桑七絃分  
所彈非新聲俗耳安肯  
聞月落未終曲暗中泣  
湘君如傳我心苦千里蒼  
梧雲

蠶女

養蠶先養桑蠶老人亦衰  
苟無園中葉安得機上  
絲妾家非豪門官賦日相  
追鳴梭夜達曉猶恐不  
及時但憂蠶與桑敢問結  
髮期東隣女新嫁照鏡  
弄蛾眉

賣花者

少壯彼何人種花荒苑外  
不知力田苦卻笑耕耘

輩當春賣春色來徃經幾代長安甲第多處處  
堪愛良金不惜費競取園中最一藥纔占烟笙歌  
已高會自言種花地終日擁軒蓋農夫官役時獨  
與花相對那令賣花者久為生人害貴粟不貴花  
生人自應泰

道中蚤發

野店雞一聲蕭蕭客車動西風帶曉月十里猶相  
送繁絃滿長道羸馬四蹄重遙羨青樓人錦衾方  
遠夢功名不我與孤劍何所用行役難自休家山  
憶秋洞

晚唐詩鈔卷第十一

十一

十干詩塢

漢波晚望

五律

遠客家水國此來如到鄉何人垂白髮一葉釣殘  
陽柳暗鳥乍起渚深蘭自芳因知帝城下有路向  
滄浪

南徐夕眺

行陸向暮天何處不悽然岬影幾家柳笛聲何處  
船樓一作流分瓜步月鳥入秣陵烟故里無人到鄉書

誰為傳

隱者

松間開一徑秋艸自相依終日不冠帶空山無是

非投輪谿鳥伴曝藥谷雲飛時向鄰家去狂歌夜  
醉歸

送歸客

多才與命違末路憶柴扉白髮何人問青山一劍  
歸晴煙獨鳥沒野渡亂花飛寂寞長亭外依然空  
落暉

白馬津阻雨

七律

津樹蕭蕭旅館空坐看疎葉遶階紅故鄉千里楚  
雲外歸鴈一聲煙雨中漳浦病多愁易老茂陵書  
在信難通功名儻遂身無事終向溪頭伴釣翁

晚唐詩鈔卷第十二

十一

十千詩馮

曉過伊水寄龍門僧

龍門樹色暗蒼蒼伊水東流客恨長病馬獨嘶殘  
夜月行人欲渡滿船霜我家煙火依邨步何處漁  
歌似故鄉山下禪菴老師在願將形役問空王

宮怨

七絕

柳色參差掩畫樓曉鶯曉送滿宮愁年年花落無  
人見空逐春泉出御溝

劉綺莊

昆陵人初爲崑山尉宣宗時  
官州刺史今存五律二首

揚州送人

五律

桂檝木蘭舟楓江竹箭流故人從此去望遠不勝  
愁落日低帆影歸風引棹謳思君折楊柳淚溼武  
昌樓

置酒

酒熟人須飲春還髻已秋願逢千日醉得道百年  
愁卒卒周姬旦樓樓魯孔丘平生能幾日不及且  
遨遊

李善夷

字里莫詳與李羣玉  
同時今存七絕一首

大隄曲

七絕

晚唐詩鈔卷第二

十三

十子詩塢

酒旗相望大隄頭隄下連橋隄上樓日暮行人爭  
渡急漿聲幽輒滿中流

韓琮

字成封官湖南觀察使詩  
一卷今選各體共九首

春愁

七古

金烏長飛玉兔走青髻長青古無有秦娥十六語  
如弦未解貪花惜楊柳吳魚嶺鴈無消息水誓蘭  
情別來久勸君年少莫遊春煖風遲日濃於酒

題圭峰下長孫家林亭

七律

趙國林亭二百年綠苔如毯葛如煙閒期竹色搖

霜看醉惜松聲枕月眠出樹圭峰寒壓坐入籬沙  
瀨碧流天明知富貴非身物莫爲金章墮地仙

雲

輕

一作深

惹離愁

一作情

靄落暉如車如蓋早依依山頭觸

石應常在天際從龍自不歸莫向隙窗籠夜月好  
來仙洞溼行衣春風淡蕩無心後見說襄王夢亦  
稀

霞

應是行雲未擬歸變成春態媚晴暉淡知綺色斜  
分閣碎似花光散滿衣天際欲銷重慘淡鏡中閒  
照正依稀曉來何處低臨水無限鴛鴦妬不飛

晚唐詩鈔卷第十一

十四

十千詩塢

牡丹

桃時杏日不爭濃葉帳

一作帷

陰成始放紅曉艷遠分

金掌露暮香深惹玉堂風名移蘭杜千年後貴檀  
笙歌百醉中如夢如仙忽零落暮霞何處綠屏空

暮春瀝水送別

七絕

綠暗紅稀出鳳城暮雲宮闕古今情行人莫聽宮  
前水流盡年光此聲

駱谷晚望

秦川如畫柳如絲去國還鄉一望時公子王孫莫

來好嶺花多是斷腸枝

楊柳枝詞二首

梁苑隋隄事已空萬條猶舞舊春風那堪更想千  
年後誰見楊花入漢宮

枝鬪纖腰葉鬪眉春來無處不如絲霸陵原一作上橋

多離別少有長條拂地垂

崔珣

字夢之登大中進士第官至侍御工詩以賦驚鴻得名詩一卷今選各體共九首

美人嘗茶行

七古

雲鬟枕落困泥春玉郎爲碾瑟瑟塵閒教鸚鵡啄

唐詩鈔卷第十

十五

十千詩場

窗響和嬌扶起濃睡人銀瓶貯浪水一掬松雨聲

來乳花熟朱唇啜破綠雲時咽入香喉爽紅玉明

眸漸開轉一作橫秋水手撥絲篁醉心起臺前卻坐推

金箏不語思量夢中事

道林寺

臨湘之濱麓之隅西有松寺東岫無松風千里擺

不斷竹泉瀉入於僧厨宏梁大棟何足貴山寺難

有山泉俱四時唯夏不敢入燭龍安敢停斯須遠

公池上種何物碧羅扇底紅鱗魚香閣朝鳴大法

鼓天宮夜轉三乘書野花市井栽不著山鷄飲啄

聲相呼金檻僧迴步步影石盆水濺聯聯珠北臨  
高處日正午舉手欲摸黃金鳥遙江大船小於葉  
遠邨雜樹齊如蔬潭州城郭在何處東邊一片青  
模糊今來古遣人滿地勞生未了歸丘壑長卿之  
門久寂寞五言七字誇規模我吟杜詩清入骨灌  
頂何必須醍醐白日不照耒陽縣黃天厄死饑寒  
軀明珠大貝採欲盡蚌蛤空滿赤沙湖今我題詩  
亦無味懷賢覽古成長吁不如興罷過江去已有  
好月明歸途

岳陽樓晚望

七律

晚唐詩鈔卷第二

一六

十千詩塢

乾坤千里水雲間釣艇如萍去復還樓上北風斜  
卷席湖中西日倒銜山懷沙有恨騷人徯鼓瑟無  
聲帝子閒何事黃昏尚凝睇數行煙樹接荆蠻

有贈二首

莫道粧成斷客腸粉胸繇手白蓮香煙分頂上三  
層綠劍截眸中一寸光舞勝柳枝腰更輓歌嫌珠  
貫曲猶長雖然不似王孫女解夢臨邛賣賦郎  
錦里芬芳少佩蘭風流全占似君難心迷曉夢窗  
猶暗粉落香肌汗未乾兩臉天桃從鏡發一眸春  
水照人寒自嗟此地非吾土不得如花歲歲看

和友鴛鴦之什三首

翠鬣紅毛

一作舞夕落

暉水禽情似此禽稀暫分燴

鳥猶回首只渡寒塘亦竝飛暎霧乍迷珠一作金殿瓦

逐梭齊上玉人機採蓮無限蘭撓女笑指中流羨

爾歸

寂寂春塘烟晚時兩心和影共依依溪頭日暖眠

沙穩渡口風寒浴浪稀翡翠莫誇饒彩飾鷓鴣須

羨好毛衣蘭溪芷密無人見相逐相呼何處歸

舞鶴翔鸞俱別離可憐生死兩相隨紅絲毳落眠

汀處白雪花成感浪時琴上只聞交頸語窗前空

晚唐詩鈔卷第十

七

丁于詩塢

展共飛詩何如相見長相對肯羨人間多所思

席間咏琴客

紀事云王作大魏公幕與副車袁克常侍不叶公俱薦之於朝王拜芸閣學校會有

客以緣桐詣公心善之欲振其名命以所乘馬迎王賞之公為各請一篇王因以發其憤詩云云公大恚

七條絃上五音寒此藝知音自古難惟有河南房

次律始終憐得董庭蘭

李 郢

字楚望長安人大中十年進士詩調清麗居餘杭不務進取唐末避亂嶺表詩一卷今選各體共十八首

陽羨春歌

七古

石亭梅花落如積玉蘇爛斑竹姑赤祝陵有酒清

若空煮粳蒸魚作寒食長橋新晴好天氣兩市兒

郎權船戲谿頭鏡鼓狂殺儂青蓋紅裘偶相值風  
光何處最可憐邵家高樓白日邊樓下遊人顏色  
喜溪南黃帽應羞苑三月未有二月殘靈龜可信  
滄水乾葑艸青青促歸去短簫橫笛說明年

園居

五律

暮雨楊雄宅秋風向秀園不聞砧杵動時看桔槔  
翻釣下魚初食船移鴨斃喧橘寒才弄色須帶一作待  
早霜繁

江亭春霽

七律

江蘿漠漠荇田田江上雲亭霽景鮮蜀客帆檣背  
歸燕楚山花木怨曉鶻春風掩暎千門柳曉色淒  
涼萬井烟金磬泠泠水南寺上方僧室翠微連

江亭晚望

碧天涼冷鴈來疎閒望江雲思有餘秋館池亭荷  
葉後野人籬落豆花初無愁自得仙翁術多病能  
忘太史書聞說故園香稻熟片帆歸去就鱸魚

蚤秋書懷

高梧一葉隊涼天宋玉悲秋淚灑然霜拂楚山頻  
見菊雨零谿樹忽無蟬虛邛暮角催殘日近寺歸  
僧寄野泉青髻已緣多病鑷可堪風景促流年

故洛陽城

胡兵一動朔方塵不使鑿與此重巡清洛但流鳴  
咽水上陽深鎖寂寥春雲收少室初晴雨柳拂中  
橋晚渡津欲問昇平無故老鳳樓迴首落花頻

錢塘青山題李隱居西齋

小隱西齋為客開翠蘿深處遍青苔林間掃石安  
棋局巖下分泉遞酒盃蘭葉露光秋月上蘆花風  
起夜潮來湖山遶屋猶嫌淺欲棹漁舟近釣臺

澗河館

一作暮春山  
行田家歌馬

雨濕菰蒲斜日明茅厨煮蠶棹車聲青蛇上竹一

晚唐詩鈔卷第十一

尤

十干詩塢

種色黃蝶隔溪無限情何處樵漁將遠餉故園田  
土憶春耕千峰萬瀨一作  
霽霽水滴滴羸馬此中愁獨行

晚泊松江驛

片帆孤客晚夸猶紅蓼花前水驛秋歲月方驚離  
別盡烟波仍駐古今愁雲陰故國山川暮潮落空  
江網罟收還有吳娃舊歌曲櫂聲搖散采菱舟

上裴晉公

四朝憂國鬢如絲龍馬精神海鶴姿天上玉書傳

詔夜陣前金甲受降時曾經庾亮三秋月下盡羊

曇兩路

一作  
一局蒼憫悵舊堂局綠野夕陽無限鳥飛遲

江上逢羽林王將軍

虬髯憔悴羽林郎，曾入甘泉侍武皇。  
鵬沒夜雲知御苑，馬隨仙仗識天香。  
五湖歸去孤舟月，六國平來兩鬢霜。  
唯有桓伊江上笛，臥吹三弄送殘陽。

送人之嶺南

關山迢遞古交州，歲晏憐君走馬遊。  
謝氏海邊逢素女，越王潭上見青牛。  
嵩臺月照號猿曙，石室煙含古桂秋。  
迴望長安五千里，刺桐花下莫淹留。

偶作

七絕

一枰正發吟哦興，兩盞還生去住愁。  
何似全家上

船去，酒旗多處即淹留。

晚唐詩鈔卷第十

二十

十千詩稿

宿杭州虛白堂

缺月斜明虛白堂，寒蛩唧唧樹蒼蒼。  
江風徹曉曉一作曙不得一作成睡，二十五聲秋點長。

春晚與諸同舍出城迎坐主侍郎

三十驂騑一闕塵，來時不鎖杏園春。  
東風柳絮輕如雪，應有偷游曲水人。

張郎中宅戲贈

謝家青妓邃重關，誰省春風見玉顏。  
聞道彩鸞三十六，一雙雙對碧池蓮。

上元日寄湖杭二從事

戀別山鐙憶水鐙山光水色百千層謝公留賞山  
公喚知入笙歌阿那朋

洞靈觀流泉

石上苔蘚水上烟潺湲聲在觀門前千巖萬壑分  
流去更引飛花入洞天

劉滄

字靈龜魯人大中八年進士第調華原尉

遷龍門令詩一卷今選七律二十二首

長安冬夜書情

七律

上國棲遲歲欲終此情多寄寂寥中鐘傳半夜旅

晚唐詩鈔卷第十二

王

十千詩塢

人館鷓鴣叫一聲疎樹風古巷月高山色靜寒蕪霜  
落灞原空今來唯問心期事獨望青雲路未通

春晚旅次有懷

晚出關河綠野平依依雲樹動鄉情殘春花盡黃  
鶯語遠客愁多白髮生野水亂流臨古驛斷煙凝  
處近孤城東西未遂歸田計海上青山久廢畊

汶陽客舍

年光自感益蹉跎岐路東西竟若何窓外雨來山  
色近海邊秋至鴈聲多思鄉每讀登樓賦對月空  
吟叩角歌迢遞舊山伊水畔破齋荒徑閉煙蘿

秋日望西陽

古木蒼苔隊幾層行人一望旅情增太行山下黃  
河水銅雀臺西武帝陵風入蒹葭秋色動雨餘楊  
柳暮烟凝野花似泣紅粧淚寒露滿枝枝不勝

秋月望上陽宮

苔色輕塵鎖洞房亂鴟羣鴿集殘陽青山空出禁  
城日黃葉自飛宮樹霜御路幾年香輦去天津終  
日水聲長此時獨立意難盡正值西風砧杵涼

春日遊嘉陵江

獨泛扁舟暎綠楊嘉陵江水色蒼蒼行看芳艸故

晚唐詩鈔卷第十

三

十千誦塢

鄉遠坐對落花春日長曲岸危檣移渡影暮天栖  
鳥入山光今來誰識東歸意把酒閒吟思洛陽

雨後遊南門寺

郭南山寺雨初晴上界尋僧竹裏行半壁樓臺秋  
月過一川烟水夕陽平苔封石室雲含潤露滴松  
枝鶴有聲木葉蕭蕭動歸思西風畫角漢東城

題桃源處士山居留寄

白雲深處葺郊廬退隱衡門與俗疎一洞曉烟留  
水上滿庭春露落花初閒看竹嶼吟新月特酌山  
醪讀古書窮達盡爲身外事浩然元氣樂樵漁

題吳宮苑

吳苑荒涼故國名  
吳山上照江明  
殘春碧樹自留影  
半夜子規何處聲  
蘆葉長侵洲渚暗  
蘋花開盡水烟平  
經過此地千年恨  
荏苒東流露色清

題王母廟

寂寥珠翠想遺聲  
門掩烟微水殿清  
拂曙紫霞生  
古壁何年絳節下  
層城鶴歸遼海春  
光晚花落閒階夕  
雨晴武帝無名在  
仙籍玉壇星  
月夜空雲

咸陽懷古

經過此地無窮事  
一望淒然感廢興  
渭水故都秦  
二世咸原秋艸漢  
諸陵天空絕塞聞  
邊雁葉盡孤邨見  
夜燈風景蒼蒼多少恨  
寒山半出白雲層

鄴都懷古

昔時霸業何蕭索  
古木唯多鳥雀聲  
芳艸自生宮殿處  
牧童誰識帝王城  
殘春楊柳長川迥  
落日薰葭遠水平  
一望青山更惆悵  
西陵無主月空明

長洲懷古

野燒原空盡荻灰  
吳王此地有樓臺  
千年事遠人何在  
半夜月明朝自來  
白鳥影從江樹沒  
清猿聲入楚雲哀  
停車日晚薦蘋藻  
風靜寒塘花正開

湘江晚渡懷古

蟬噪秋風滿古隄  
荻花寒渡思悽悽  
潮聲歸海鳥初下  
艸色連江人自迷  
碧落晴分平楚外  
青山晚出穆陵西  
此來一見垂綸者  
卻憶舊居明月溪

經過建業

六代興衰曾此地  
西風露泣白蘋花  
烟波浩渺空亡國  
楊柳蕭條有幾家  
楚塞秋光晴入樹  
淞江殘雨晚生霞  
淒涼處處漁樵路  
鳥去人歸山影斜

經煬帝行宮

此地曾經翠輦過  
浮雲流水竟如何  
香銷南國美人盡  
怨入東風芳艸多  
殘柳宮前空露葉  
夕陽川上浩烟波  
行人遙起廣陵思  
古渡月明聞櫂歌

經麻姑山

麻姑此地鍊神丹  
寂寞煙霞古竈殘  
一自仙娥歸碧落  
幾年春雨洗紅蘭  
帆飛震澤秋江遠  
雨過陵陽晚樹寒  
山頂白雲千萬片  
時聞鸞鶴下仙壇

經龍門廢寺

因思人事事無窮  
幾度經過感此中  
山色不移樓殿盡  
石臺依舊水雲空  
唯餘芳艸滴春露  
時有殘花落晚風  
楊柳覆灘清瀨響  
暮天沙鳥自西東

懷汶陽兄弟

回看雲嶺思茫茫幾度關河隔汶陽書信經年鄉  
國遠弟兄無力海田荒天高霜月砧聲苦風滿寒  
林木葉黃終日路岐歸未得秋來空羨雁成行

罷華原尉上座主尚書

自憐生計事悠悠浩渺滄浪一釣舟千里夢歸清  
洛近三年官罷杜陵秋山連絕塞渾無色水到平  
沙幾處滾白露黃花歲時晚不堪霜鬢鏡前愁

留別復本修古二上人

二遠相知是昔年此身長寄禮香煙綠蕪風晚水

晚唐詩鈔卷第十一

三五

十子詩塢

邊寺清磬月高林下禪臺殿虛窗山翠入梧桐疎  
葉露光懸西峰話別又須去終日關山在馬前

對殘春

楊花漠漠暗長隄春盡人愁鳥又號鬢髮近來生  
處白家園幾向夢中迷霏微遠樹荒郊外牢落空  
城夕照西唯有年光堪自惜不勝煙草日萋萋

